

Capito-
lium.

Jurgo und
Hego.

vmb vnser willen geliten hat. leben vnd glauben an Ihesum. vnd bin getaufft worden. Do wurdent sie erzürnet vnd woltent nach ym gegriffen haben. Do wick er vnd zway der besten geschläch mit ym in ain hauß Capitolium scripture genant. do nam Antiochius die vngelaubigen an sich vnd wolt yn gefangen und getöt haben. da halff man ym darvon mit den zwayen geschlächten Columbo vnd Beseo. Vnd komet mit ym seiner Schwester sün Jurgo vnd Hego. vnd auch die kaiserin vnd ir töchter vnd acht ir sün. vnd viel von frawen vnd mannes pilde der besten geschlächte von Rom. Nun was der vngelaubigen in der stat vnd auf dem land vast mer dann der glaubigen. darumb er nit dorft in dem land beleiben. vnd zog vber das hoch gebierg auß gen teutschenlanden wertz. vnd fürt mit ym Theonestum den knaben. Do ward Antiochius genomen zu kaiser. vnd Kurio floch vber das hoch gebierg. vnd kam auff den plan dalsatz.

II.

S. Lucius.
A. 80.

St Luzen.
Wunder-
werck.



Dann davor als man zalt achtzig iar nach gottes geburt do was sant Lucius ain geborner künig von Schotten. an der art vnd in dem gebirg wohnhaftig. vnd het sein zell vnd kirchen dahin gemacht. do es noch zu sant Luzen haist. vnd ain Ber schlug ain Ochsen zu tod als er hauwet. do pant er den Beren an des Ochsen stat. vnd must ziehen als der Ochse gethun het. Vnd vil ander wunderzaichen die man yetz beleiben lat thet der lieb sant Lucius. Vnd an derselben art do warent cristenleut die dann sant Lucius bekört het. Vnd do so vil walher von Rom dahin kament von iungkfrawen weibern vnd kindern. wellisch und teutsch vnder einander wohnhaft waren.